

Zakon o porezu na dobit

S ciljem unapređenja poslovnog ambijenta i stvaranja stimulaturnijih uslova za investicije i razvoj privrede, Udruženje poslodavaca u FBiH pripremilo je prijedlog izmjena Zakona o porezu na dobit. Predloženi tekst dostavljen je Ekonomsko – socijalnom vijeću Federacije BiH i razmatran na sjednici održanoj 08.06.2017. godine.

Na toj sjednici Ekonomsko – socijalno vijeće FBiH prihvatilo je inicijativu Udruženja poslodavaca u FBiH za izmjene ovog Zakona, te predložilo Vladi FBiH formiranje radne grupe u koju bi bili uključeni predstavnici nadležnih ministarstava, kao i predstavnici Udruženja poslodavaca u FBiH, s ciljem daljeg razmatranja i usaglašavanja predloženih rješenja.

Predložene izmjene zakona usmjerene su na jačanje investicione aktivnosti i poticanja razvoja privrede. Jedan od ključnih prijedloga odnosi se na uvođenje poreskih olakšica za privredne subjekte koji ostvarenu dobit reinvestiraju u stalna sredstva. Ovim prijedlogom predviđa se oslobađanje od plaćanja poreza na dobit za reinvestirani dio dobiti, što predstavlja značajnu promjenu u odnosu na postojeće rješenje koje ne pruža dovoljne poticaje za reinvestiranje.

Također je predloženo proširenje kategorije sredstava u koja se može investirati uz primjenu poreskih olakšica, čime bi se dodatno podstakla ulaganja u razvoj i modernizaciju poslovanja.

Udruženje poslodavaca u FBiH predložilo je i smanjenje stope poreza na dobit sa 10% na 8% što bi imalo stimulativan efekat na nove investicije, posebno strane, uz procjenu da bi takva mjera mogla imati najmanje neutralan efekat na ukupne budžetske prihode.

Dodatno, predloženo je da poreske olakšice za zapošljavanje osoba sa invaliditetom budu jasno regulisane ovim zakonom, kroz uvođenje poreskog poticaja u visini četverostrukog iznosa bruto plate za svaku osobu sa invaliditetom.

Jedan od prijedloga odnosi se i na dodatno poticanje izvoza, kroz mogućnost umanjenja obaveze obračunatog poreza na dobit za porezne obveznike koji stvaraju prihode od izvoza, proporcionalno učešću izvoza u ukupnom prihodu kompanije.

Ukupno je predložena izmjena člana 33 zakona, s ciljem stvaranja konkurentnijeg, investicijski atraktivnijeg i razvojno orijentisanog poreskog sistema u FBiH.

Iako predložene izmjene do danas nisu implementirane, Udruženje poslodavaca u FBiH ostaje pri stavu da je izmjena Zakona o porezu na dobit u pravcu rasterećenja privrede i poticanja investicija nužna. Stoga će Udruženje i dalje, kroz Ekonomsko–socijalno vijeće i direktan dijalog sa Vladom FBiH, insistirati na nastavku zagovaravanja ovog pitanja i usvajanju rješenja koja će osigurati konkurentniji i investicijski atraktivniji poslovni ambijent u Federaciji.